



長辰樂事

燕市念菴大夫舊詞

國亦平圖
春節亦狂

中呂粉蝶兒

管氣飛灰。日初長。冽寒已退。聖明朝樂享。雍熙
滿皇都。春回轉。共霑新歲。見家家粧點門楣。幾
椿兒不同往日。

醉春風

芝蔴穡。徧簷插。木炭頭。沿戶倚。黃錢高掛兩門

恂端的是喜也喜。更有那降鬼鍾馗加冠童子。
進財神位。

紅繡鞋

貼一副蠟箋紙宜時門對。上寫着陽春布萬物。

光輝紙門神對面兒。逞雄威。左邊的執着鉞斧。

右邊的。掌着瓜錘。恰便似定唐朝胡敬德。

滿庭芳

龍涎燒起。湘簾低簇。繡幕高垂。燈杆上縛松和。

檜高與天齊。庭階下收拾的似水。廳堂中鋪設
的偏奇。兩三夜何曾睡。辦年食節禮熱鬧似擺
筵席。

普天樂

燒上夢。辟瘟丹。一陣陣。蒼朮味。表出夢。新正氣。

象。端的是守歲相宜。獻供養敬祖先。焚紙馬酬。

天地爆竹如雷。驚邪祟。燒生盆。取吉除疑。四壁
廂。火光繚繞香烟。鬩。更和那燭影光輝。

石榴花

一家兒窮忙鬼亂到三十準備着慶喜遞三盃

老公婆穩坐定笑嘻嘻小兒男拜禮訓教端的

道殷勤孝弟將身立當官差買賣為題如今新

春節至你添了一歲休貪花少戀酒莫胡為

鬪鶴鶉

剛能勾酒遞三巡不覺的東方亮起梳洗的頭

臉兒光鮮打扮的身子兒俊美濟楚衣冠所事

宜比尋常更整齊先拜了恩府恩官後拜了親

朋鄰里

上小樓

街市上經營靜寂來往的人稠人密你看那抬

轎的拿般挑脚的作勢趕脚的施為乞兒每倚

定門討嘴吃長吁短氣口兒裡要餛飩他說一

年之計

么篇

剛送出張世英。又接進李彥實。你看他叉手躬身。假意虛情。遜讓謙推。一箇說有生受多起動。

重蒙光輝。一箇說拜望遲。勿蒙見罪。

十二月

進門來慌忙施禮。敘罷了長幼尊卑。腦袋兒連磕至起。說從前言語差遲。休和俺一般見識。自今日道過了休題。

堯民歌

呀我見他慌忙扒起走如飛。一箇價扯衣揮袖。

怎容回。一箇說見成熱酒飲三盃。一箇說看經。

喫素忘初一。他兩箇強了一會。只得吃幾杯。總

能勾唱喏抽身退。

耍孩兒

自從那日初辰拜到時過未。卽漸的拄肚撐腸。

酒力西歪東倒脚高低。一霎時不覺的昏迷頭。

低眼豎人難認。腿軟腰彎步怎移。眼看着醺醺。

醉。少不得眠街臥巷。那裡有展被鋪席。

七煞

從黃昏睡到起更時。醒來時要水吃。翻身一手

摸着地。兩眼不住觀天象。只見星移斗柄回。頻

啞嘴。連聲呼。也是我新年晦氣。尋思起有甚便

宜

六煞

繫腰兒不見了。找刺兒在那裡。沿街滾破了天

羅地。新衣服扯綻了。襟和領凍臉上磕傷了嘴

共鼻。怎見俺那秋胡戲。空懊惱。賭神發咒。血條

子再也不吃。

五煞

初七八拜罷年。盼元宵月色輝。家家燈火安排

畢。村的俏的街頭闖。老的小的厮混擠。到處裡

閒遊戲。小姑兒厮跟。定嫂嫂。外甥兒扯住了姨

姨。

四煞

先遊到大市街後盤桓背巷裡走橋因地君須
記小的走了身無病老的走了腰也直強似教
醫人治且拚箇通宵不寐怎肯教虛負了佳期

三煞

一處處博戲高一叢叢社火齊端的是歡娛正
遇豐年歲南來絃子和琵琶北去笙簫對管笛
打鼓唱荆釵記熱鬧似搬房拜廟喧嘩的如搗

鼓奪旗

二煞

女孩兒不見了娘男子漢岔破了妻東奔西走
難尋覓三更漸漸人行少四鼓看看月墜西家
家纔把門兒閉雖然是金吾不禁怎當他玉漏

頻催

一煞

纔覺的心內灰吃緊的肚又饑少魂沒寔思量

睡兩隻腿脚如石重。一片心腸似箭疾。盼不到

家闌內。帶衣兒連忙倒臥。困騰騰一似着迷。

尾聲

到天明扒起來。事事的都後悔。被窩裡說幾句

牙疼。誓來歲依然只樣兒的。

附小詞

雁兒落帶得勝令。和元學士汪雲林一百首之三十二

愁聞長樂鍾。懶跨黃門鞚。無心肉食謀。有分齧

鹽囊。歲月耳邊風。富貴眼前榮。岐路亡羊客。窮

途失馬翁。機鋒使盡全無用。崢嶸看來總是空

又

前程似箭疾。逆旅如川逝。覆盆不見天。戴笠難

窺日。雞囊不須疑。牛後怎甘棲。未病先求藥。防

危早下梯。休題朱紫三公貴。歸期滄浪一釣磯

又

浮榮蟻上槐。虛世風傳籟。身居苦海中。名落孫

山外無分上雲臺。何處訪天台。但得閒身在，常
教笑口開。合該綠野如相待，休猜青春不再來。

又

籠中日月搬水上。乾坤漫光陰。止百年愁病居
多半。無翅效鵬搏。有意似龍蟠。季子休誇印。逢
萌已掛冠。多搬心內何須算。無端肩頭且莫攢。

又

浮生夢裏過。塵事籠中坐。財多害反多。官大愁

還大。黑海已驚波。綠髮漸成皤。失意休彈劍。歸
心且棹歌。吟哦守口防詩禍。蹉跎開懷敵酒魔。

又

年華一夢蝶。名利千家舍。電光瞬息飛。石火須
與滅。何用使喉舌。不必下鋤鋤。看破穴中蟻。參
開酒內蛇。周摺枉惹兒孫業。癡呆空遺世代嗟。

又

花間構一亭。竹裏開三逕。身閒夢寐安。事簡乾

坤靜烏帽與黃鞵。白璧點青蠅。有子心先足。無
官身更輕。虛名得失皆前定。浮榮行藏索自評。

又

叅詳滋味熟。看覩機關透。排場戲轉新。宦海波
仍舊。文繡喻犧牛。衣冠比沐猴。壯志驚蓬髮。閒
身且敝裘。知休名利休拖逗。回頭英雄盡土丘。

折桂令

世事多少叅差。那得堅牢。誰耐磷緇。紫陌鳴珂

朱門曳履。金谷塗脂。大都來一般樣子。空費了
百種心思。世事如斯。何必嗟咨。對酒當歌。休負
良時。

又

人生難得清閒。磯虱貂裘。塵土雕鞍。百事悠悠
幾年碌碌。兩鬢班班。急流中扁舟快挽。夕陽邊
倦鳥須還。名利閒關。歲月催殘。休想南柯。且臥
東山。

又

山林清趣誰知。空谷猿吟。脩竹鶯啼。泉石為盟。烟霞作伴。荷芰成衣。然指間光陰有幾。轉頭來。世事皆非。成敗休題。得失奚疑。落得逍遙。就是便宜。

又

閒身且任徜徉。豈為逃名。不是迷邦。怯似搏熊。拙如待兔。懶賽亡羊。問甚麼難封李廣。何須題

易老馮唐。檢點行藏。儘自疎狂。遁跡蓬蒿。濯足滄浪。

又

紅塵不到閒門。逕路雖荒。松菊猶存。石上橫琴。花間待月。樹杪看雲。丘樊冷真為小隱。芋栗收。豈是全貧。煩惱休論。笑語須頻。避却豺狼。想甚麒麟。

又

南牕一枕高眠。蝶蟻雖親車馬無喧。竹裏蝸廬
花邊鳩杖。柳下漁船。喂一頭尋春瘦。蹇種兩頃
負郭薄田。且省縈牽。休惹熬煎。淡飯粗衣。過遣
隨緣。

又

眼前寵辱休驚。人事參差天道虧。盈跡謝朱門
心依丹壑。口誦黃庭。盧生枕打開。夢境步兵廚。
攻破愁城。鷺約鷗盟。詩社棋枰。百歲開身。千古

芳名。

又

眼前誰是知音。流水高山空抱瑤琴。身遠鷓班
名辭狗監。詩謝雞林。且看取高陽痛飲。再休羨
季子多金。白髮盈簪。綠野成林。皓月清風。不費
招尋。

朝天子

景陽宮曉。鍾鳴珂巷。玉驄總是南柯夢。生來無

分紫泥封。機巧成何用。捉霧拿雲。攀龍附鳳。這
心腸無半種。主一條瘦筇。引一箇小僮。沿村曠
照耕種。

又

從離了建章。高臥在北窻。與寄羲皇上。十年飽
食大官羊。回首成虛妄。盜嫂招誣。明珠惹謗。儘
他人間論講。接輿楚狂。赤松子房。到省步寬家
帳。

又

喜碧山日親。把銀魚早焚。銷繳了功名分。輅車
鳩杖鹿皮巾。也不讓黃金印。晚景無多。前程休
問。趁明時自在隱。尋幾箇故人。圍坐在華門。嘗
則把陰晴論。

又

身離了錦鞍。手持着釣竿。秋風起。思張翰。年華
鏡裏暗凋殘。往事成虛幻。肥馬輕裘。千鍾萬貫

到如今時候晚。糊塗案已翻。痴呆心快剗。好筵
席終須散。

又

竊祿分本薄。遁世心又高。枉被兒童笑。星霜點
染髮。蕭騷斷送人年少。平野堪耕。清溪堪釣。這
光陰休教錯。趁如今不照。到何日是了。惹杜宇
聲聲叫。

又

虎狼叢近狎。魚龍隊混雜。受了夢閒驚。怕歸來
還整舊生涯。往事都勾罷。二頃田租。一門婚嫁
畢罷了。閒笑耍。繁華且讓他。清閒須落咱。這福
分知誰大。

又

脫離了陸沉。且歸來故林。襪線才能勝任。菱花
漸覺二毛侵。怕甚麼。讒和譖。落得清閒。誰來拘
禁。日三竿猶自寢。知己酒滿斟。會家詩細吟。不

快活圖步甚

又

虎頭牌懶沾。兔毫管怕拈。爵祿誰歆艷。行囊檢點不須嫌。止有琴和劍。揣分安貧。隨緣守儉。妄想心無半點。看雲生捲簾。趁日晴曝簷。把兩字清閒占。

沉醉東風

怕待看蛾眉如寵。羞題起蟻陣爭雄。瞞着心狠做作。睜着眼胡踢弄。怎脫離天地牢籠。辛苦爭如食蓼虫。尚兀自心腸懵懂。

又

蝸角名徒勞技痒。蠅頭利在惹心忙。急穰穰螳捕蟬。惡狠狠蛇吞象。巧機關百樣。千椿回首榮華不久長。都做了漁樵話講。

又

名與利難尋。布擺吃和穿。儘會安排。芒鞋粗布

袍淡飯黃齋菜。論甘貧不說彭澤。五柳沿門密
密栽。落得箇清閒計策。

又

東洋海波濤滾滾。霸陵橋車馬紛紛。官高休羨
榮命蹇。須安分。靠青山緊閉柴門。閒把英雄細
討論。能幾箇到頭安穩。

又

躲避了邛崃九坂。受用煞蓬華三竿。雞鷲場小
鬪爭。魚龍海誰經慣。虎狼叢沒計遮攔。險阻爭
如蜀道難。因此上心灰意懶。

又

窮福分剛消薄產。拙材料怎做高官。百般事難
自由。八箇字何須算。得清閒那樣心寬。識破人
情袖手觀。再不去爭長競短。

又

窮快活說來不假。散神仙真箇堪誇。才成八斗

名。文抵千金價。不逢時。怎得騰踏世路羊腸。要
把滑休。當做尋常戲耍。

又

門巷外。旋栽楊柳。池塘中新浴沙鷗。半灣水透
籬。幾朶雲生岫。愛村居景致風流。閒啜盧仝茗
一甌。醉翁意何須在酒。

掛枝兒 二十首之八

日初長。柳絲綻黃金模樣。雨纔過。桃杏花撲面

清香。賣花人一聲聲喚起。懷春情況。蝴蝶兒爭
新綠。燕子兒語雕梁。打點出那小扇輕羅也。還
要去流水橋邊賞。

又

新竹兒倚朱欄。清風可愛香几兒。靠北窗雅稱
幽齋。千葉榴並蒂蓮。如相比賽。槐陰下清風靜
垂楊外月影篩。忽聽的幾箇嬌滴滴的聲音也。
笑着把茉莉花採。

又

秋海棠喜庭陰偏生嬌艷。桂花兒趁西風越弄
香妍。金沙葉銀扭絲。凌霜堪羨。開一尊新釀酒。
打疊起繡花奩。聽一會窻兒外的芭蕉也。又把
細雨聲兒顯。

又

水仙花嬌怯怯。流香几案。綠萼梅清影。瘦斜倚
危欄。剪冰紋霎時間。把青松不見烹茶也。自好

對酒且開簾。圍上那肉作的屏風也。偏覺的氣
候兒暖。

又

我教你叫我聲。只是不應。木等說就叫我纔是
真情。背地裡只你我推甚麼。佯羞佯性。你口兒
裡不肯叫。想是心兒裡不疼你。若有我的心兒
也。如何開口難得緊。

又

我心裡但見你就要你叫。你心裡怕聽見的。向
外人學纔待叫又不叫。只是低着頭兒笑。一面
低低叫。一面又把人瞧叫的。雖然艱難也。意思
兒其實好。

又

俏冤家。但見我就要我叫。一會家不叫。你你就
心焦。我疼你。那在乎叫與不叫。叫是提在口。疼
是心。想着我。若有你的真心。也就不叫。也是好。

又

俏冤家。非是我好教你叫。你叫聲兒無福的也。
難消你心不順。怎肯便把我叫叫的。這聲音兒
俏聽的。往心髓裡澆。就是假意兒的劬勞也。比
不叫到底好。

雙疊翠 二十首之八

怕逢春。怕逢春。到的春來病轉深。推不過。困人
天。懶看這紅成陣。行也難禁。坐也難禁。越說不

想越在心似這等枉添愁可不辜負了春花信

二

夏不宜夏不宜綠陰惱煞亂鶯啼。一般是解慳
風吹不散愁人意暗數歸期頻卜歸期荷香空
自襲人衣最可憐是明月時怕自往紗厨去。

又

怕逢秋怕逢秋。一入秋來動是愁。細雨兒瀟瀟
冷黃葉兒看看驟。打着心頭鎖了眉頭。鵲橋雖

是不長留他一年一度親強如我不成就。

又

冬不宜冬不宜愁心只我與燈知撥盡了一夜
灰。盼不出三竿日展轉尋思顛倒尋思衾寒枕
冷夜深時只得向夢兒中尋夢兒中又恐留不
住。

又

春相思春相思游蜂牽惹斷腸絲忽看見柳絮

飛。按不下心間事。悶透花枝。反恨花枝。軟韃想
着隔牆時。倒不如不遇春。還不到傷心處。

又

夏相思。夏相思。閒庭不耐午陰遲。統扇兒是他
的熱心兒。只我知強自支持。懶自支持。蘭湯誰
惜瘦腰肢。就是推過這日長天。又愁着秋來至。

又

秋相思。秋相思。西風涼月忒無知。緊自我怕淒

涼。偏照着淒涼處。別是秋時。又到秋時。砧聲到
語意如絲。爲甚的鴻雁來。不見箇平安字。

又

冬相思。冬相思。梅花紙帳似冰池。直待要坐着
捱。忽的又盡一日醒。是自知夢。是自知。我便如
此。你何如。我的愁我自擔。又耽着你那裡也愁
如是。

鎖南枝

一百首之十六

團圓夢夢見他笑臉兒歸來連聲問我我在外
幾載經過你在家盼望如何說一會功名敘一
會間瀾喚梅香把酒果忙排與我二人權作賀
萬種相思一筆勾抹猛追魂三唱鄰雞急睜眼
一枕南柯

又

團圓夢夢不差眼見他歸來悄聲兒訴咱非是
我失業拋家非是我戀酒貪花非是我負義忘
恩兩頭騎馬爲只爲書劍飄零因此上負却臨
行話吐膽傾心全無虛假欲開言再問箇端的
猛擡身那得箇冤家

又

團圓夢夢的奇一見冤家情同往昔喜孜孜素
手相攜美甘甘熱臉相偎共結綢繆芙蓉帳裡
常言道破鏡重圓果不然也有相逢日玳瑁猶
撒歡他也來道喜剛能勾半霎合諧猛驚回低

舊別離。

又

團團夢夢的裏。一會家心驚忽聽的打門。喚梅
香問是何人。他說道是我郎君。昨夜燈花。誠然
有準。笑吟吟引入蘭房。把離情話兒閒評論。妾
命雖薄。君心忒狠。整鴛衾恰待歡娛。醒來時還
是孤身。

又

傷心事訴與誰。一半兒思情。一半兒追悔。想着
你要和我分離。平白地起上箇孤堆。用了場心
竹。藍兒打水。雖然是你的情絕。也是我緣法上
不對。胡味了靈心。分明是鬼。幾時和你嚷上一
場。再不信你巧話兒相陪。

又

傷心事有萬端。也是我前生業。確子不滿。寔指
望買笑追歡。倒惹的恨結愁攢。臥枕着床。犯了

條欵你既然要和我分離也須與箇一刀兩斷
人說你情絕真箇行短瑞香花頭緒兒忒多杖
鼓腔兩下裡厮瞞。

又

傷心事對誰說仔細度量都是我自惹我爲你
使破喉舌我爲你費盡周折誰想恩變爲讐刀
刀見血雖然與你不久相交一夜夫妻如同百
夜有甚麼虧心下拚的拋捨瞞着心只是你精

細吃殺虧認着我癡呆。

又

傷心事對誰學要見箇明白惟天可表你和我
誰厚誰薄誰情絕誰性兒難調誰把誰心全然
負了也是俺婦人家癡愚好心偏不得箇好報
瞎虫蟻逃生定撞着你線索雖不和你見識一
般殺人可恕情理難饒。

又

長吁氣恨滿腔。往事都勾話。也不須細講。巧機
關。你暗裡包藏。癡心腸。誰做箇隄防。舍死忘生。
闖在你網。欲待和姊妹們聲說。只恐怕告箇折
腰狀。思之復思想了。又想除非是命喪荒坵。在
灰城再做箇商量。

又

長吁氣恨轉增。髮亂釵橫。無心去整。想只想你
知熱知疼。想只想你識重識輕。誰知道意變心

更有形無影。起初時那樣言詞。到如今心口不
相應。問着粧不知。說着推不省。人說你有些兒
糊塗。我看你全是箇牢成。

又

冤家債還他。不徹一節。不了又添上一節。欲待
要亂掩胡遮。怎禁他見鬼隨斜。恨只恨冤家心
腸似鐵。經年家強自支吾。無人知我疼和熱。悶
海愁山。誰行去訴說。風月中請問箇知音。閃賺

人算甚麼豪傑。

又

冤家債還他不及。舊恨纔消。新愁又起。想當初
只說你心實。誰承望下的是活棋。面情相交。不
知其裡。欲待要發狠。蹬開。又怕食之無肉。棄之
有味。這是賣了鮎魚。誇不的大嘴。付能勾。夾及
回頭。過些時。依舊王皮。

又

冤家債還他不清。除了相思。無甚麼可頂。想當
初。徹底澄清。到今日。無眼難明。相交了一場。銀
瓶墜井。也是俺婦人家。心慈倒弄的人。硬貨不
硬。再和你相逢。除非是夢境。或長或短。說箇真
寔。誰是誰非。路見難平。

又

冤家債還他不完。不是七長。就是八短。信別人
巧話兒。唆搬倒把我。假意見。攙瞞。糊塗出冤家。

全不知冷煖。雖然你不把我留情。只怕藕斷時
絲還不斷。叫一聲蒼天。天如何不管。好共歹也
是你着迷。長和短自有人傍觀。

又

情書至。笑臉兒開。可見我冤家情腸兒不改。件
件事與我安排。句句話說的明白。滿紙春心。猶
帶着墨色。他說我不久回還。你須權把心腸兒
耐。少只在旬朝。多不上半載。喚梅香禪淨了閒

隅。把冤家筆跡兒高擡。

又

情書至。用意兒讀。親手封緘。再拜上奴。路迢迢
音信全疎。意懸懸想念如初。爲只爲功名。歸期
未卜。只要你柳色常青。切莫把我名兒污。天樣
花箋寫不盡。肺腑喚梅香。你與我參詳。敢怕是
謊話兒支吾。

醉羅歌

閒中一笑三百
首之四十八

輕寒輕暖花將放。閒愁閒悶日偏長。烏雲睡損
懶梳粧。總則是相思樣。紛紛花下蜂也。太狂。翻
翻牆外蝶也。太狂。教人對景無情況。愁千疊。淚
兩行。天台何處憶劉郎。

又

惜花惜花愁難罷。春去春去病偏加。閒將心事
付琵琶。訴不盡離情話。王魁薄倖也。不似他。桂
英薄命也。不似咱。浪來提着名兒罵。情嚼蠟意

擗沙空勞魂夢遶天涯。

又

日長日長愁時候。花落花落病因由。嫁得蕭郎
喜閒游。泪漬滿春衫袖。枝頭鶯囀也。自喚。傳簷
前燕語也。自喚。傳無端空把人拖逗。朝雲散暮
雨收。安排腸斷倚西樓。

又

乍陰乍晴催花綻。多愁多病損芳年。愁將心事

聽啼鵲在拋却針和線花箋空寫也不見還佳
期空過也不見還蘭闥寂寞空長怨無人示誰
與傳悠悠離恨咽湘絃。

滿庭芳

才郎行短。欵分雙鳳鏡。掩孤鸞。心腸走滾難牽
絆。那里貪歡。相思債。生填不滿。糊塗病儘你廝
瞞。思和筭。清晨到晚。衣帶漸鬆寬。

又

才郎情寡。經年動歲。海角天涯。猛然想起臨行
話。句句都差。未知他情兒真假。空教我受盡折
罰。章臺下。由他繫馬。難道說不來家。

又

才郎大膽。翻雲覆雨。暮四朝三。平白地空把人
拖賺。故意兒粧憨。分明是因他瘦減。題起來在
惹羞慚。相思擔。遠虧是俺。別箇的怎心甘。

又

才郎見小終朝每日絮絮叨叨故意兒做出虛
腔調要把奴拋又不曾和他厮惱步兒錯不肯
相饒歹性兒天生拗忍了他這遭終久也難調
又
相思病染前生欠少今世加添無明業火心頭
焰恨蹙眉尖霹靂性生來好閃強扭瓜到底難
甜心思念恹恹瘦臉空有淚痕沾

又

相思病久非因中酒不爲悲秋看看害的身子
兒瘦無了無休寔指望同心厮守幾曾料潑水
難收牙疼咒開合信口誰似你不知羞

普天樂

怕黃昏傷懷抱後貌篆冷翡翠衾薄春愁眉上
蹙鬼病心頭鬧一點青燈空相照更無情風雨
瀟瀟關山路遙衡陽信杳幾遍量度

又

倚危樓空長歎。新愁萬種。舊恨千般。羞看蝶與
蜂。怕見鶯和燕。鬼病。抑揄誰經慣。短金釵劃損
闌干。啼痕未乾。悶懷又。趙不似今番。

又

望天涯無音信。鱗鴻未準。蘭麝空薰。思量無
計。劃冷落誰。餒問八字眉。峯空攢恨。掩重門幾度
銷魂。從別那人。疾漸瘦。損着甚來因。

又

對菱花添憔悴。羞勻粉臉。怕掃峨眉。三春愁病
身。一種淒涼味。廢寢忘食。心如醉。搵絞綃珠泪
偷垂。尋思爲誰。分明是你。恐怕人知。

又

爲才郎增惆悵。烟迷洛浦。雲鎖高唐。火騰祆廟
焚水滄。藍橋漲。幾種閒情。關心。上偏逢着夜永
更長。猛然慘傷。何曾望想。誰做隄防。

又

爲才郎添疾病。愁心隱隱，瘦骨亭亭。離鞍自別，離翠被空閒，剩冷雨、淒風人孤另。但合眼好夢難成。長吁幾聲，寧心再等，謊話休憑。

又

夢回時，心無柰，香消寶鼎，塵滿粧臺。春來脉脉，情日逐，恹恹。害蓮步輕移，門兒外，見雙雙燕子飛來。低頭懶擡，痴心越窄，淚眼頻揩。

又

夢回時，愁偏聚，捶床倒枕，短歎長吁。姻緣前世，差。間阻，今生遇。目斷天涯，知何處。倚雕闌，空自躊躇。寄紙錦書，敘些情語。倩箇雙魚。

小梁州

枕痕一線玉生紅，瘦減芳容。翠幃錦帳，繡芙蓉，無人共。離恨幾重重。畫堂簾簌金鈎控，靜悄悄，門掩東風。病兒沉心兒痛，終朝厮送，空自怨鱗鴻。

又

枕痕一線界胭脂。無限相思。花箋空寫斷腸詞。
誰傳示半晌自嗟咨。可憐繡被人獨自恨天
涯。游子何之。眉上愁心。問事生生爲爾。憔悴許
多時。

又

枕痕一線界芙蓉。困眼朦朧。繡衾珊枕與誰同。
團圓夢覺後卽成空。多情却。被無情送。怕愁

來強理絲桐。燕子樓桃花洞。恩情雖重。無路也
難通。

又

枕痕一線粉香殘。悶倚闌干。秦樓寂寞玉簫閒。
誰經慣。離恨幾千般。腰肢瘦怯。定難看。每日
家淚指空彈。不索愁。何須歎。古來公案。薄命是
紅顏。

朝天子

惜花愛花轉眼春光罷。猛然想起俏冤家。半晌
丟不下。月底闌情。枕邊私話。你如何都當耍。休
誇你滑除。死甘休罷。

又

惜花愛花惹起心牽掛。春來情思亂如麻。多少
閒驚怕。病漸增添。愁難脫架。瘦腰肢。剛一犯眼
巴。盼他問箇龜兒卦。

又

惜花愛花。恁煞鞦韆架。新來脂粉不曾搽。消瘦
的人來怕。懶整鴛衾。羞拈羅帳。想歡娛。空半霎
得他到家。不索題閒話。

又

惜花愛花。露濕凌波襪。思量薄倖在天涯。心性
忒奸詐。忽刺八歸來。軟曲膝跪下。連聲兒說記
打。知他理差。偷眼將奴抹。

玉芙蓉

相思病漸深。坐臥如迭甯。對粧臺幾遍。沉吟。茫
茫恨海。心頭浸。隱隱愁山。眉上侵。情難禁。從別
到今。空教我抱瑤琴。無處覓知音。

又

相思病未休。愁悶偏厮鞦。把菱花欲照。還羞離
情。今世今生。受業債。前緣前世。修黃昏後。擁鮫
綃。泪流。空教我對孤燈。終夜恨悠悠。

黃鶯兒

春日正遲遲。綠窻前曉夢迷。起來猶自嬌無力。
歎多情。遠離望天涯。路岐柳絲長。難把愁縈繫。
繡簾垂。閒情就裏。惟有落花知。

又

春草綠萋萋。恨王孫去路迷。離愁萬種憑誰寄。
鶯聲亂啼。花影又移。對良辰。空負鶯花意。憶歸
期。陽臺那壁。十二晚峯齊。

又

春燕語雙雙。對青樓理宿粧。蛾眉蹙損春山樣。
花柳正芳。蜂蝶正忙。新來幾許添惆悵。憶檀郎。
痴呆半晌。無語立斜陽。

又

堪笑世情薄。百般的都弄巧。李四戴着張三帽。
歪行貨當高。假東西說好。哄殺人那里辨青和
皂。許多遭。科範總好。到底被人瞧。

又

一會家笑呀呀。老年來偏好耍。眼前世事無牽
掛。葫蘆提打發。休認真惹他。十八石不是芝蔴。
價笑呀呀。粧矇做瘡。笑罵且由他。

又

一會家笑呵呵。老年來知調躲。眼前世事都瞧
破。怕爭少競多。懶尋處覓活。寒號虫得過由他。
過笑呵呵。早收園結果。念幾聲南無佛。

沉醉東風

一會家從頭自付數年來枉費辛勤雖懷着狗馬心那裡有麒麟分沒來由東走西奔但能勾過遣隨時不受貧說甚麼官居一品。

又

一會家從頭自揣八箇字天已安排看盡了英雄。枉惹些災和害到頭來那顯青白。但得箇二頃薄田五畝宅說甚麼名揚四海。

又

一會家從頭自剖把浮生萬事都勾也不流百世芳也不遣千年臭且粧呆袖手藏頭每日家幾句新詞信口謔說甚麼才高八斗。

又

一會家從頭自數再休題得失榮枯生爲這名利忙。枉把些英雄悞可惜煞者也之乎。從今後花下常攜酒一壺說甚麼功成萬古。

又

爭名利。瞞心昧已。趨權勢。做小伏低。誰能勾百
歲活。到筭下千條計。那里有不散的筵席。仔細
思量。莫太迷。試看取張良范蠡。

又

巧機關。藏頭露尾。喬模樣。口是心非。撥弄的意
似癡。禁害的心如醉。那里想熱鬧處。撥回。越是
儂。儂越吃虧。幾曾見澄清徹底。

又

破衲襖。剛能袖手。矮屋簷。儘可低頭。且由他忙
處過。落得我閒中受。那里得可口的饅頭。這滋
味。從來看得熟。怎肯去將沒作有。

又

愁布袋。拆開罷手。悶葫蘆。打破休留。擇別了沈
萬三。結識上王十九。到與他緣法相投。別箇的
人生面不熟。怎做俺知心故友。

又

老師婆瞞神說鬼小僕羅搥鼓奪旗心腸內狠
做作嘴臉上喬張致都只要趁水活泥甫能勾
活成一大堆撞倒東墻又不壘

又

這壁廂鷹牙鷓爪那壁廂虎背熊腰人爭強馬
鬪騰弓上弦刀出鞘惡狠狠殺氣偏高爲甚先
生眼閉着看不上磅頭忙腦

醉太平

香消麝蘭玉減容顏閒愁閒悶幾多般常淹着
淚眼抑掄病寫下紙離魂案裏京債推幾夜孤
辰限糊塗夢撞入箇鬼門關都只爲薄情人未
還

又

愁心難把鬼病偏加許多時脂粉不曾搽險些
兒害殺別離後漸長起恩情價音書內細寫着
衷腸話離闌外盼望的眼睛花不見俺薄情人

到家。

一江風

望天涯買得金錢卦。淚濕鮫綃帕。夕窈家棄舊
迎新負德辜恩。忘了當初話。薄情誰似他。寒心
誰似咱。恨起來捉着名兒罵。

又

為多情門掩黃昏靜。獨自捱孤另。到初更廢寢
忘食。怨雨尤雲。衾枕空閒剩。嗚嗚盡角聲。呀呀

塞雁鳴都則索和愁聽

後序

先伯祖念庵公負開濟之略嘗與崆峒張司馬
雲中尹僉事同修四鎮三關志一官齟齬遽遂
初衣悒鬱不自得恒寄情詞曲以舒瀉其愁思
往往多蒜酪體新聲盛傳一時至聞之禁掖所
著有都邑繁華閒中一笑混俗陶情裁冰剪雪
良辰樂事空中語等集雖經鏤板旋復散軼先
少保搜集其僅存者題曰詞彙特百一而已夫

詞山曲海千生萬熟傳者寔難方元之盛羣英
品目九十八人之外稱傑作者又一百五人迨
明中葉士大夫以曲擅場者亦不下數十家而
遺音之傳於今者蓋寡昔人目曲子爲燄段以
其如火燄易明而易滅信哉言乎惟公所爲散
曲都人至今猶歌之流傳旣久恐不能無譌因
命工重刻之以待賞音者嗚呼由其達生之言
觀之則懷憂者可以自廣而以才若是不見容

於當代俾老於箏人酒徒之間百世而下憫其
志者益見其言之足悲也已公諱效祖字仲修
嘉靖庚戌進士仕止陝西按察副使平生尤長
於詩昭陵嘗遣中使索公題冊呼劉念菴而不
名顧遺集無存僅散見諸家選本芳躅將謀採
緝嗣刻以行冀海內藏書之家或有存者覽是
編而郵寄俾風雅之音不泯於世則芳躅寔有
厚望焉

康熙九年歲在上章閏茂暮春之月從孫芳躅
拜手書後

重刻詞彙後序

詞曲開山始自太白菩薩蠻兩調厥後盛於宋
濫觴於元至明人而翻空絢爛極矣今其書具
在寓目一遍非文章中之艷觀哉或曰詞曲無
莊語律以六經四子似爲非聖之書操觚而登
作者之壇恐非大儒所屑爲噫此非大儒之言
而拘儒之言也聖賢講學性道發爲文章文章
之言性道語果必皆莊也尼父之於詩曷不盡

刪夫鄭衛豈非以懲以勸卽教人以復性聞道
乎張新建嘗語湯臨川云以君之辨才握麈而
登臯比何渠出濂洛闢閩下而逗漏於碧簫紅
牙隊間將無爲青青子衿所笑臨川曰某與吾
師終日講學而人不解也師講性某講情張公
無以對夫臨川憤時疾俗解綬歸玉茗堂似宜
踐晦菴之迹著述理學諸書以詔後世若之何
大放厥詞撰爲四大夢俳諧不恭而謂之講學

蓋以富貴利達之徒迷於邯鄲枕上大槐枝頭
沉酣不寤若明目張膽以孔孟之語折之未必
不發彼大笑以爲吾之迂濶無當也乃一以詞
曲寓言高撞晨鐘庶足喚醒一切而藉以發余
牢落不平之氣嗚呼臨川之心苦矣意深矣豈
可與一二流俗道哉 先伯祖憲副公得無近
是公讀六經四子之書性命經濟頗具釋褐而
後豈不願大行所學而顧僅僅以詞曲名但時

宜弗合勢與願違而五斗米之奉遂不能留七
不堪之身也是以掛冠神武戴笠青田凡遇可
喜可愕可悲可笑之處橫口橫筆一一寄之短
歌長調中而發乎性情未嘗不止乎禮義公之
詞儼然屈大夫之騷也又宛然堯夫擊壤集白
沙江門詩也歌咏在是講學卽在是豈搖膝浪
吟者比乎故當年流傳禁中新聲輦下至今猶
叶竹肉未艾也惜全刻散軼止存百一先少保

一齋珍藏司空先兄重刊問世每拭案開卷憲
副公鬚眉氣魄猶宛於楮墨間遇之奈未幾而
藏板又失僅有一冊存之中笥假非再壽梨棗
恐數十年後不免爲叔夜廣陵散矣嗚呼裴駟
桓譚尚能爲史記法言作傳人况爲人子孫而
不克守先人遺書其有媿於邵伯溫系述皇極
爲何如也於是搜薄俸餼梓人仍鏤板於大寧
署中雖不敢云貴洛陽之紙庶足備名山之藏

海內名公不乏公瑾其人寧無過而顧焉者乎
故敬跋於後以俟高明論定焉

康熙二十九年歲次庚午孟夏月從孫芳永沐

手謹序



